

多  
歲  
堂  
詩  
集

多歲堂詩集卷三

長白 成書 倬雲

乙丑下 六月抵哈密任

哈密使署作

鄉夢不須勞萬里

皇恩只許住三年

先公鎮此時集句也

下句爲白香山  
上句不知所出  
敬足成律

千株垂柳來庭際  
一曲清溪

到屋前慕化藩王能

國語太平邊帥似神仙蓬

瀛咫尺

恩波近藥餌新頒自日邊

是日拜平安丸定藥之

賜

儘有園林清耳目更無案牘損心神沙泉沸鼎茶  
煙活雪水盈畦菜甲新乍到渾如會宿客相逢都  
是故鄉人哈密爲新疆南北兩路孔道奉使往來無不經此流星驛遞鱗  
鴻便彩筆題書報老親是日發家書

臯蘭旅舍遇湍直齋太守兄東額都門一別

幾二十年矣余奉使西來直齋亦自桂林因  
公謫戍過此雪泥鴻爪偶爾遭逢我兩人若  
非此行正恐此生不復相見也相與太息者  
久之余乘傳行急遂約於哈密相候比至留

兩日長談竟夕遠爾西行賦四詩贈別兼廣  
其意

少年裘馬耀神京廿載分離記姓名忽漫遭逢如  
夢寐試看眉宇尚分明想應怕作終身別故爾追  
隨萬里行同是勞人君又遠前途相約話平生

男兒墮地自生神况值時平萬物春莫爲艱難損  
眠食好留性命報君親因人受過愆尤薄垂老  
從軍意氣真斗酒酌君還自勞人生聚散等浮雲  
風期端不愧吾曹快馬輕裝短後袍早向炎荒驅

瘴癘還從絕塞事弓刀將軍幕府能容客遷客襟  
懷莫太豪此去伊江秋正到西風玉椀醉蒲桃

未報殊恩敢惜身尙思終始作完人不應妄語  
蒙嚴譴奉使遐方許自新夢裏雲飛臣有母扇  
頭塵起地無鄰逢君未久與君別回首陽關一愴  
神

送別晉晉齋將軍

昌原  
字戡齋

他鄉客是同鄉客客裏逢君又送君兩載留都  
拚縱飲一朝絕塞賦從軍雲山回首應憐我夢寐

還家亦憶羣何日陽關理歸旆三寅佳讖印前聞  
使署西偏院柳一株乾隆庚子先公駐劄時  
手植迄今三十年矣部曲侯如林指以相語  
如林卽當日司灌溉事者云此樹枯死已久  
前年春忽復發榮新條蔚然清陰滿院惟樹  
梢丈餘枯如故因亦植一株於旁敬志以詩  
空庭高柳樹細葉光蕤蕤先人所手種婆娑逾數  
紀中間遭拔撼生意嗟已矣歲久忽生稊異事驚  
遠邇上枝摩高天盤曲蛟蛇死柔條發老幹匝地

綠雲委小子才樗散家聲慙步趾重鎮來此邦瞻  
印作悲喜白頭舊偏裨再拜涕漣爾當年老使君  
遺愛甘棠比嘉樹枯復榮人心思未已郎君今又  
至豈曰非天只願普膏露施再令風俗美感此懷  
舊德誰忍輕邊鄙雖無匡濟術敢昧繼承理新栽  
移拱把培植戒傷毀亦望託根深南山象喬梓

纏頭送瓜

秋瓜充土貢時摘有常例涼風白露前疆場走羣  
吏尺度取均齊生熟慎斟酌厥包行萬里 御食

增佳致殊方勤歲獻致遠非容易採掇爽其時腐  
潰成遺棄小者熟最早別種非其類未可供 尙  
方聊足備私饋入水半浮沉傾筐亦黃翠生嫌薄  
劣質未具冰霜味纏頭慕官府懷抱見雙蒂膜拜  
語啁啾真樸意無僞嘉彼芹曝誠厚我撫摩惠報  
之以所珍容刀兼佩燧

園丁送菜

四月翦新韭八月食新芥豈惟風候殊會是人工  
懈官園近百畝播殖地非隘菜把亦尋常實數愆



可怪兒童苦追索分畦計葱薤乃知小人心久熟  
穿窬派嘉蔬滿中園吝惜如避債作意缺厨供昧  
心充市賣口腹誠細故鬼域豈大誠察淵雖不祥  
敗露且一快學圃見雄畧抱甕亦佳話古風不可  
見薄俗徒堪噫

雨

大磧千里平不頗陰山雪流爲衆河土人知風不  
知雨亢旱不死田中禾三伏濃陰偶一見或飄點  
滴無滂沱今年六月忽大霈天公有意脫白窠雲

雷之師赴新令嚮所未到初經過霹靂一聲聊小  
試亂啼兒女驚翁婆雖然揮灑無半刻牆津屋潤  
庭生波須臾雲散皎日出綠楊高柳新枝柯天清  
地曠靜氛翳平沙貼地無坑窩人言雨隨使君至  
洗滌戈壁除煩苛此言孟浪不足道少見多怪訛  
傳訛 皇王德化近及遠窮荒漸喜陰陽和豈有  
人煙富生聚可無雨露銷沉痾貪天之功聖所棄  
慎無出口高明訶

蔡巴什湖

草湖富地利開屯集衆工屯兵雜戍卒合作力不  
慵但多播種勞而無芟薙功良苗與惡草相伴各  
青葱耕報雖鹵莽終不礙歲豐薰風五月交雪山  
水溶溶長渠互百里畎澮無不通灌溉旣云足曲  
折任所終永無水旱憂日見倉廩充兵食與民食  
乃將取攜同煌煌萬世利創作欽羣公使臣蒞斯  
土典守唯兵農高秋看刈穫原野來清風椎牛歡  
將士拾穗喧兒童勸其廣積蓄節儉免困窮

卽事四首

使者巡邊日秋風靜列屯平沙微有路獨樹自成  
村野曠牛羊散年豐麥豆繁殊方解耕鑿已是長  
兒孫

漸喜峯巒遠稍留氣候溫沙泉飛細雨土堡上朝

瞰賈客車爲屋居人牖作門

同人搏土作屋無門  
扇窓櫺之制唯於壁

上鑿方竇便

行行入戈壁百里見高墩

鳴子泉至  
十三間房

卡倫戈壁一百三十里風定時  
高天無雲山巔亭障隱約可見

錦幄名王貴星輶漢節尊夷情隆特殺

牛羊皆  
以全獻古

俗見盤飧

回人以木盤盛飯團坐攫  
而食之其獻食使者亦然

宛馬依風立

胡羊負角奔

胡羊角大與身等負之而行往往顛躓

荒原聊小駐部

曲謁雲屯

寒甚燈槽驛

地名燈槽溝殊不可解余以爲槽或當作草未知是否其地大寒西

通巴里坤

地西接叻巴泉爲巴里坤界

鑿冰開鳥道

達坂高峻台報所經

冰雪經

隔嶺出松根

嶺後松林百里彌望不可計年不釋

而出高至尺餘輒不復長

野館風吹壁新秋雪到門

七月望日大雪窮

邊絕人事孤客斂精魂

煙墩牖

萬古陰山雪春融匯一區東流高岸逼立牖小亭

孤不假分泉竹何煩逆水符沾濡遍百里瀚海盡  
膏腴長渠引水自北山迤邐而來至此分爲二渠  
東渠入蔡湖西渠分散入各回莊萬頃菑畬  
藉以灌溉厥功鉅焉

廟兒溝

亦自成村落翻憐絕市喧野花紅自媚雜樹晚猶  
繁古寺依山立殊方見佛尊同俗不知奉佛唯此  
地有廟一區曰大佛  
寺故以曉來風日好沙水亦潺湲

塔爾納沁

亂石卧斜陽孤城接大荒秋原認禾黍低草見牛

羊煙火新屯聚風雲古戰場無由問沿革獨立向  
蒼茫

天山之陽沙磧千里古戰場壁壘猶依稀可辨但不知年代無可考據耳

觀音山

到眼空中寺無情塞外山斷崖渾露骨孤殿不成  
間香火居民褻天龍畫壁刪殊方迷象教寂寞感  
慈顏

回莊子

亂山去無際砂磧爲平川渺然見村落孤迥殊可  
憐屯衆三五家茅棟八九椽門前有老樹屋傍有

流泉泉流不出村  
渟泓作方圓  
平疇望可盡  
禾黍亦陌阡  
天生一掬水  
灌此百畝田  
如從稱量出  
不過亦不愆  
芳草綠滿地  
野花紅欲然  
不意桃源境  
落此戈壁天  
土人稱大磧  
爲戈壁天  
驅車去未遠  
回首意再牽  
依然入大漠  
百里無人煙

王別駕湖送菊

大漠風高秋策策  
空城無人雲山白  
朝來步履眼忽明  
黃花本是關心客  
自從行役走風塵  
五柳新居久成隔  
意外相逢如故人  
臨風三嗅煩襟釋  
殘



英冷蕊帶幽芳細葉深叢動凝碧回看塞草盡  
虀腓獨立斜陽見標格菊溪別駕古傲吏兩作太守  
遭譴謫下考何妨陽道州折腰不恥陶彭澤尤愛  
此花不忍離萬里移根到沙磧陋邦泉脈失平和  
憔悴重陽不堪摘邊夷不識傲霜枝翻嫌黯澹輕  
投擲憐我與君臭味同爲寄新栽相悅懌沙盆覆  
土古色斑頓覺寒香滿几席濁醪在眼默相對我  
醉欲眠忘岸幘天涯流落絕可念田園蕪沒真應  
惜他日與君歸去來共繞東籬話今夕

贈別龔實圃侍衛

朔雲邊雪暗行塵絕塞論交亦夙因  
草草杯盤慙地主匆匆笑語惜芳辰  
此行又作三年別與子同爲萬里人  
努力驅車卽長道鶯花不是故園春

德屋圃侍御

生

見懷次韻奉寄

清才前此驗花磚憶著宮袍兩袖煙  
治郡漫勞經國手投荒暫息荷人肩  
新詩駘蕩從軍樂舊雨淒涼謫夢篇  
聞道東坡老居士推擠不去已三年

侍御

前任翰林院編修後由御史遷山東濟南府知府時因公謫戍

樽酒當年落拓身野夫席畔奉清塵

野夫名關英乾隆甲午與

侍御同舉於鄉官雲南知縣

癸丑奉憲委來都時相過從

笑談我自傾前輩侍御

乾隆戊戌科進士

謬誤君嘗恕醉人往日風流成浪迹故

人書札示前因生天作佛尋常事滿眼韶華又一

春

來詩有敢云願大將圖佛縱使升天亦後人之句故云

伊吾絕句

玉關遺址已模糊

漢玉關在燉煌境今縣治非古玉門也

誰識瓜沙

舊版圖

唐伊州屬瓜沙節度使

欲傍天山尋地志不聞疏勒

近伊吾

嘉峪關外有疏勒河相傳卽疏勒故地西域見聞錄載之考通鑑註疏勒去長安萬

里今嘉峪關至西安僅三千餘里耳定知非是

漢有裴岑威絕域唐惟陳國紀殊勲巴里坤尖山于有漢燉煌

太守裴岑勒石哈密南山口有唐姜興本紀殘碑功碑碑文首載吏部尚書陳國公侯君集

傳刻無真本棗木翻彫火葯熏二碑字畫剝落不可辨土人以木板

翻刻烘以火葯其色斑駁冀以亂真

滿眼風煙大漠沉戰場舊鬼哭天陰觸體如斗沙

邊卧旁有兜牟一翅金哈密馬場在北山下古戰場也漢唐壁壘猶依稀可

識近牧馬卒掘地得觸體甚巨又得兜牟翅一鏤金作龍鳳形稱之重六兩古色黝然數千年物也

早耕晚穫看農忙屯田於二月開犁九月中收穫一熟須教歇兩

荒屯田地畝有餘今歲豐收則置而蔡巴什湖四

千畝三秋麥豆始登場麥豆穀一時俱熟

荷鋪開畦四月天不須好雨潤芳田哈密經年無雨真陽

融盡陰山雪頃刻飛來百道泉屯田全資雪水三月間天氣驟暖

山嶺雪消萬壑奔流用以灌溉數百里內無不周徧

煙墩牖上柳千竿牖即屯田蓄水處水繞茅亭白石瀾密

葉深叢無限好秋風錯認碧琅玕亭畔野柳叢生枝幹皆綠望之

若竹林然

東屯風景亦全譜塔爾沁屯田在哈密之東怪石驚沙百不

堪楊柳數株泉一道沁城已是小江南漠外寸草不生唯沁

城有林木水泉之勝  
土人謂之小江南

鐙槽古驛亂山巔鐙草溝在哈密極西咫尺炎涼

各一天哈密與巴里坤只隔一嶺正是中元明月

夜雪花如掌落簷前余巡邊至此

沙磧無邊數百程十三間房戈壁徑過一百怪風

終日斷征行無日不風故天涯孤客須緘口山鬼

迷人喚姓名人行戈壁中間有呼姓名者誤應之

其衣履人則不知所往矣

多歲堂詩集

行李無多只一肩葫蘆盛水挂胸前

行人無不攜水不須

遠作梅林望天賜沙邊一碗泉

地名在沙棗泉之西

艷陽剛得見新紅到眼韶華一瞬空自是天公慳

雨露却教桃杏盼春風

郭外桃杏成林開時得風則花色鮮艷成陰結實若

遇微雨不過數日花葉蕩然矣

不比家園春事忙無名花木亦成行特開一樹繁

華錦留與詩人賦海棠

地出紅白果子結實酸澁無味花則秀豔無比似帖

梗海棠

長日無營早放衙綠陰小院靜窓紗香風忽送無

雲雨開徧空庭沙棗花

似棗花而色微黃香尤酷烈

行帳旗旌擁傳車木杯爭進瑣陽茶

地產瑣陽土人煎以代茶

使臣不似相如渴上品新嘗駝店瓜

瓜以青色爲上駱駝店產

者最佳

邊地風高夜氣嚴鄉心無奈客愁添酒酣不語挑

燈坐明月斜穿蓆芡簾

蓆芡草色白堅紉上人織以爲簾

眨眼西風已報秋餘糧芻束及時收纏頭夜半歌

喉咽檢點衣囊補敝裘

收穫將畢同人夜作苦寒每長歌以相應答其聲淒

斷俗謂之叫皮襖



不分宿釀與新醅佳醞都從內地來

土俗不知釀法味殊惡劣

肆商從內地運至索價甚高

怪底當筵知酒味妾家生小住高

台

哈密無土著凡攜眷兵民皆係內地遷往者高台酒最佳

剗瓜打餅過中秋

土俗中秋剗瓜成瓣謂之剗瓜以餅蘸而食之 郎去屯

田妾獨留請得蘭州白檀速拜香同上廟兒溝

廟兒

溝有大

佛寺

又是新年年事催回王宮殿在高臺

回城內有土臺高十餘丈

回王宮室夜深金鼓鼕鼕下阿渾持經教把齋

俗回

皆在其上過年前一月則把齋盡日滴水顆粒不入口見星後乃恣意飽啖而睡至五鼓阿渾在臺上以金鼓

齊之則又把齋矣

不論秋去與春回三百六旬屈指排

回俗不知節候以三百六

十日爲

但看如鉤新月上錦衣花帽拜年來

把齋後再

見新月則開齋過年

走馬兒郎手足鮮靚粧少婦豔神仙

回俗過年男則鮮衣走馬

女則盛粧出看兒

童擊雞卵爲戲莫教塵浣新衣帽轉眼風光過

小年

過年後數十日歌舞盛飾如前謂之過小年

積雪春融煙霧開柳陰一帶水縈洄凌波仙子羅

裙濕知是巫山行雨來

回性喜潔男女室後必徧身洗浴婦人亦有向溪邊

者  
澣濯

清池水榭午風涼孔雀名園草木香

回王有孔雀園及水亭諸

勝

亦解林泉窮勝事  
飜嫌減趣伯斯塘

回人於樹木多處擇

方丈地決渠引水以供遊憩謂之伯斯塘

璫瓏華蓋象天文香土泥牆婆律芬騎馬達官須

下馬高原滾伯聖人墳

回人土葬墳上必置土一塊富者則覆以屋圓上方

下土壁光潔可愛其先世傳教之人墳屋益高大精巧謂之滾伯兒回王過之亦必下馬禮拜如中

國之敬

宣聖也

城堡沿山路易歧

回城自三堡至五堡皆近西山不當孔道

軍台十二

遠相離

哈密十二台相距各百里

爲憐中道行人渴戈壁新添

亮噶兒

回人於戈壁中途穿土爲室或架茅棚設法儲水以售過客謂之亮噶兒

送日臺高鼓吹隨拜天禮數敢差池出賓納餞義

和制不是尋常納馬茲

如本爲臺高數丈每於申百刻日將入時阿渾登臺

禮拜諷經送之謂之納馬茲

細甃貼地列賓筵密室無窓別有天

室中無牀杌人皆席地坐

屋甚寬闊四壁皆實不設窓櫺惟於屋上

務恰克

開天窗一二處以通陽光殊不苦黑暗也

通風火出不教粉壁挂柴煙牆根一穴直達星頂冬日焚薪其下煙氣

俱吸入穴內其製

甚巧謂之務恰克

瓜畦麥隴任斜橫東作初興併日營播種不愁牛

力盡駱駝身負夕陽耕

回人不知阡陌隨手布種所謂鹵莽而耕之者也或

無牛馬駱駝

亦可使耕

盤礪揚場一向忙秋成麥豆已輸倉

回衆亦納糧於其主飽

餐還對斜陽卧慙愧家餘五斗糧

回性最嬾家有半月之蓄則飽

食安眠不復操作故貧苦者最多

清秋使者閱邊回欲飲蒲桃笳鼓催花帽纏頭迎

道左齊看天上大人來

回性恭順其敬欽使如神明嘗云大人是天上下

者來

瓜

應是天家供千畦數頃園中邊參未澈瓜之佳者純作

蜜青白品彌尊以青色爲上品白者次之落刃愁冰釋傾筐戒

爪痕青者最柔脆經人手數日卽爛冬瓜最薄劣翻得獻金門

紅色者味不甚佳然可久藏致遠  
同人謂之冬瓜年貢卽此種

蒲桃

纔見蒲桃熟西風白露寒古方傳釀酒公宴喜登

盤回人酒筵蒲桃居其半滋蔓埋根淺剔蔓數尺

年卽生久乾鮮紅白爛然雜陳將摘時根下灌水一斛燕  
遂成架添漿過水酸則漿汁飽滿過則綻裂

京秋滿市風味亦同看

西域以蒲桃著名近得嘗之與京師所產殊無他異

紅果子

恨別青雲葉羞登白玉盤  
施朱顏色好嚼蠟齒牙

乾色甚鮮醲而枯澁無  
味一齧輒欲棄去

碩果難爲食匏瓜繫可歎

誰令貪結子惆悵惜花殘

花秀豔似海棠開時令人徘徊不忍去結實反

成疣贅矣

白果子

豈是蘋婆種殊方頗見珍

似蘋婆而色正白極熟則微黃味較紅者差勝

微芳還浥露素面最宜人  
解結風霜實深藏檇櫟

身應時非爾分留待隔年春質甚堅實耐久摘時裏以綿紙置陶器中  
覆之以草來春發視則  
香氣襲人盤供絕勝

### 沙棗

沙棗甚微細春來見故枝依然花纂纂怕看實離

離花似棗而微小作黃金色肉似細沙故名味破  
甘酸而澁不可食且色如槁木甚不耐觀

曉奇香發花香尤酷烈當風素葉披葉色正白餘甘兼釀酒

頭痛憶三池沙棗釀酒味甚惡飲之頭岑岑作楚漢書西域有大小頭痛之山又有

三池  
盤道

### 離光桃



不入羣芳譜虛名費品題

中土未經見以離么麼光命名亦不可解

看木李酸澁認棠梨

皮肉似李而酸具體憐形小略具無

才逐價低春風二三月花下亦成蹊

花似桃

### 櫻桃

掩映滿筠籠山櫻別樣紅繁花驚老眼齷齪走兒

童

花甚穠豔開時枝無隙地味酸澁

帶葉誰能寫垂檐訝許同猶

憐杜陵叟回首大明宮

### 胡桐

沙磧埋根久胡桐假譯傳

胡桐譯言柴也其木徧生沙磧臃腫支離不中

程度回人取  
以爲柴故名  
無心參衆木  
有淚滴炎天  
戈壁熱蒸  
液流入土  
形如琥珀謂  
偶備籠中選  
淚入藥  
治齒病  
終成爨下煙  
方知不才者亦未保天年

桃

絕塞看煙景  
山桃也自紅  
無言向遲日  
獨立望春風  
塞外春日多風  
則花開極盛  
結實何妨小  
移根到處同  
哈密桃樹  
最多而結  
實甚小  
故園花亦發  
寂寞小牆東

杏

陽和不擇地  
老杏亦先花  
嫵媚寧如昔  
娉婷空自

嗟嬌鶯矜語慧舞燕避身斜無復爭春意流光且  
漫誇

野玫瑰

本以香求市胡爲刺滿身當風微入嗅作態歡迎  
人小院還移種他時恐亂真色香味絕似  
而朵微小故鄉傳  
釀法芳烈亦堪珍京師有玫瑰  
露酒甚佳

菊

爲與秋風契孤根獨爾移最憐來處遠莫恨著花  
遲晚節憑誰見幽芳得自怡嚴霜欺傲骨不比在

東籬

紅柳

不是章臺質寒沙守舊根攀條辭葉細著色避花

繁紅豈風霜力青無雨露痕

出關後隨道皆是形與檉柳無異但紅色

過鮮且積中不見滴水而叢茂不減是足異耳

西河應共賞

檉柳一名秋

塞已成園

安言言台有紅柳自此得名

高柳

敢覬棟梁選荒原獨自憐已知同散木不忘近高

天一名插

局促身如束孤撐意不偏

形如束帚蕭其高插天

蕭未死葉愁絕晚風前

孔雀

憔悴金華羽飄零鳥壘城

本非土產回王園中畜之云是南路伯克所餽

因以名園文章猶自負毒螫爾須驚炎海無邊闊寒泉

澈底清那知元圃客亦有稻梁情

回人飼以米穀若雞鶩然

雕

肅羽秋風急盤空塞日清溟鵬仍却避梁燕不須

驚慣識雲霄路休貪搏擊名深山養毛羽與世本

無爭

雕穴在萬山中極不易致

鳩

淑景當春麗鳴鳩得所依認巢歸樹晚向曉發聲

微塞雨旣無驗

哈密無雨

山桑徒自肥莫令逐婦語愁

殺雉朝飛

邊民多無妻室

鹿

故是山中慣忘機蹈禍虞入林空躑躅掉尾自敷

腴豈假供常膳無緣近

御厨

新疆舊尾近

貢鹿詔停止何

如逐仙隱豐草息微軀

黃羊

已謂身無患沙岡保歲年生憐赴湯火不復飲流  
呆沒羽奔還急登盤飫不羶邊夷充供頓行帳爲

烹鮮

使者巡閱沿山回  
衆輒銃擊以獻

魚

塞水不留物遊魚二寸俱何曾覩荇藻已自足江  
湖鱗鬣依稀見險喁瞬息枯殊方吟白小杜老正  
迷途

次韻德屋圃

生

無奈風旛俱動何纔拈一語便成魔縱經百鍊千

鍾後仍是拖泥帶水多滿座香華徒更語積年廢  
井不生波故人與我安心竟那得回疆問跋陀

歲暮書懷

歲晚風吹遊子襟那堪穹幕對愁陰七千里外平  
安信十二時中孺慕心有限春暉行又過無端歸  
夢杳難尋遙知佳節喧兒女白髮紅燈語夜深  
征塵沈盡老萊衣絕塞荒涼到鴈稀荏苒百年空  
復爾思量萬事不如歸煙消大漠沙成聚風靜天  
山雪作圍迢遞關山重回首滿空寒影暮雲飛



歲暮絕句

天涯又是隔年期  
瞬息流光遊子知  
縱爲高堂添  
白髮  
屋山啼鳥正思兒

伯兄宦卑復善病  
仲氏多憂常苦貧  
老年兄弟須  
相見  
回首京華萬里塵

星兒看書有眼力  
愛尋義理輕文詞  
刻章琢句不  
足恥  
釣取科名慰祖慈

珠兒程藝頗富有  
博引繁徵記誦優  
爾能讀書吾  
所喜  
我能節飲無父憂

老年夫婦轉多愛扶病相看別淚揮莫爲征人計  
眠食好留性命待余歸

雲鬟玉臂倚虛帷學母應知無不爲不是老懷偏  
愛女天生聰慧最憐伊

生兒如狼猶恐庇於菟雖小筋骨強老夫他日歸  
山宅雞柵牛欄仗爾防

江南劉生解讀書雙眸如月當空虛數奇不復羨  
青紫但恐餓死填溝渠

獨酌

北闕南山意竟訛強持樽酒坐巍峩歲云暮矣多  
離思時復中之奈醉何有數衣糧煩料檢無聊歲  
月費消磨老懷不擬從軍樂愁聽穹廬勅勒歌

丙寅

正月轉哈密辦事大臣 十月遷內閣學士兼禮部侍郎銜仍留哈密辦事 十二月

月以工部右侍郎管理光祿寺事務正藍旗滿洲副都統內召

春日遣懷

漂泊仍多病支離愧此身殊方稱使者垂老作詩  
人節候三時異交情百態新鶯花忽滿眼回首故

園春

送德屋圖生東歸

零落詞林紙蕭條御史驄一麾任盤錯四載憶飄蓬  
前輩風流得他鄉臭味同故山歸旣好不擬問  
窮通

萬里送歸客自憐猶未歸知君篤天屬爲我問親  
闈絕塞功名薄家園生事微相看頭並白惜別寸  
心違

和太庵參贊英自喀什噶爾內召路過伊

吾留宿衙齋快談三日別後有詩見懷賦此

多歲堂詩集

却寄

莽莽雲山萬里隨，輶車今始見歸期。一身奉使俄

經屢

太庵奉使衛藏及西域前後凡十二年

數載相逢未恨遲，舊日

郎官添白髮

余與太庵共事農曹有年

故園松竹待新詩。蒲桃

細酌穹廬雪，珍重天涯此會奇。

東門祖帳落邊城，何異登天見此行。一榻臯比聞

講易

太庵邃於易

滿頭霜雪尙論兵，黃蘆望斷連岡合

紅柳風多徹曉行。小驛題詩煩却寄，也應憐我未

歸情

彤雲來自日華東 詔掌天儲備上供朝籍共推

前進士

太庵於在廷  
中科分最深

頭銜仍署舊司農

太庵前以  
少司農巡

撫山左近復拜戶部  
侍郎總督倉場之命

玉門生人人還健

金殿遙

瞻路已重聞道

王師掃氛祲終南佳氣四時濃

依然大漠靜風沙寂寞孤城晚放衙老我一身燈

影瘦別君三日月痕斜不因識字忘憂患已慣長

貧忍貸賒若見

留都薩天石

杉圖

爲言酒病轉

增加

懷劉翰圃秀才

治

讀書期古學之子會窮探尙藉馬知道公然青出  
藍別離吾漸老貧病爾何堪有母須微祿雕蟲莫  
自慙

冬日

雪嶺迴風寒草黃天涯短景迫窮荒一鑪棗柚留  
殘火半壁窓櫺過夕陽久別歡腸詩苦瘦生憎村  
釀醉無鄉衰顏日日看歸客便是無愁鬢已蒼

十月三十日拜內閣學士之命恭紀

一封 丹詔出彤墀異數重頒絕塞知重鎮仍臨

沙漠裔

詔留哈密大臣之任

天恩還我鳳凰池

臣書於嘉慶戊

午己未間

嘗任是官籌邊事劇慙無補將母心勞會有期

臣母

今年八十有四前

陛辭時曾蒙回首玉堂天萬里春風可得

拂歸旗

戀闕微忱向日長兩年馳驟雪山陽簫笳自詡

邊城將冠飾今殊陞楯郎

臣書前以狂愚左遷蒙恩授二等侍衛出使

哈密瓜期未屆遽改

文階實非夢想所到吏請頭銜煩講說

邊人不識學士爲何

官民知留駐免蒼黃幾回夢入明光殿又著春

衣侍玉皇



寄和晉齋將軍

昌

見懷原韻

黃雲白草靜邊塵憶昔相逢披豁真月窟傳來書  
作錦天涯驚起夢中身雪泥鴻爪他生跡佛火鑪  
煙宿世因已判三年成久別不妨五十作詩人

得達瘦石侍郎

慶

書賦寄

間關無邪已三年易地相思倍惘然西北連山太

古雪東南飛鳥故鄉天

哈密在京師直西七千里  
塔爾巴哈台又在哈密西

北四受

恩絕塞憐重疊

瘦石於去冬由葉爾羌  
大臣擢授參贊旋拜副

都統之命余於今年冬蒙

恩補授內閣學士兼禮部侍郎仍留哈密大臣任

屈指歸期

計後先

瘦石瓜期已屆  
余尚未滿二年

萬里題書相問訊長箋潑

墨憶蘇仙

瘦石書學東坡來札  
數百言淋漓神似

丁卯

四月自冷密至京  
右翼監督九月博約特太夫人卒

八月充崇文門

宿紅柳園寄懷王別駕

湖

舊德聞人說巖疆自古難不知安靜理翻作等閒  
看省事卽循吏多錢無好官白頭老別駕把菊澹  
朝餐

惜別新愁亂思君舊夢多空餘知已淚非復醉顏  
酡帷幄兼師友情懷足嘯歌他年卜鄰願無計奈

歸何

入嘉峪關寄懷忠總鎮鄂刺史

漁陽老將出 乾清屬國氏羌舊著名廿載消磨  
豪氣盡只談風雅不談兵

安西刺史風流殊政令不擾人安居專車老甕致  
南醞留待高陽舊酒徒

老身倦馬怯途艱回首祈連萬里山寄語西陲故  
人道春風已入玉門關

戊辰

無詩 五月調兵部右侍郎  
六月署工部侍郎

己巳

無詩 在兵部 二月充會試知貢舉 八月扈 蹕五臺山 九月濟亭伯兄卒

諱福謙歷官 西陵禮部銀庫

刑科筆帖式有詩一卷藏於家

庚午

無詩 七月轉兵部左侍郎 九月子克星額鄉試中式

辛未

無詩 在兵部

壬申

無詩 在兵部 十月 蹕南苑大閱

癸酉

無詩 在兵部 五月子那丹珠選拔中 式 八月充崇文門右翼監督 九月子

那丹珠鄉試中式 十

一月配富察夫人卒

多歲堂詩集卷三

多歲堂詩集卷四

長白 成書 倬雲

甲戌 二月調直隸泰寧鎮總兵官  
總管內務府大臣駐易州西

恭謁 泰陵

造國欽 天眷傳 賢邁德興恭承 仁聖理高

拱 帝天居業撫豐亨象心傳乾惕初肅清新宇

宙光大舊車書名實歸精覈荆榛默掃除衆情爭

滌濯萬乘自舒徐悚息羣公牘辛勤丙夜殊提撕

開警覺庸懦奮居諸蠹蠹消叢棘桑麻徧里閭邊

藩千帳集藏蓋九年儲雲爛占紉縵河清靜碧虛  
民生歸極樂仙夢起華胥松柏趨靈徑岡巒列綺  
疏漢文遺詔儉列聖孝思紆衛士傳宵箭祠官  
曳珮琚小臣瞻御座涕淚在衣裾

習射

得失不可料僥倖貴目前盲兒射雀目其中亦或  
然百謀適一成自詡出萬全舉網幸得魚遂乃忘  
其筌鄙生事鉛槧弧矢藝未專謬爲萬夫長敢不  
急所先俛僂聊試之支屈竦背肩強弓送枉矢艱

如逆風船豈惟發不中或恐身倒牽學之未能已  
返躬愧前賢今日忽不覺心手和且綿接連發五  
矢破的無一偏衆夫驚且笑譽我謂我妍或言學  
力勝貫蝨精誠捐又言筋骨健蹲甲七札穿而我  
實自知匿笑不敢宣老嫺意不進敝鈍器不堅安  
能志正鵠自欺寧欺天古來載遺事實百名必千  
遂令不朽人盡美無一愆藝苑稱大手遺文寧全  
鐫名將矜百戰勝書敗不傳當其功名成亦如此  
射焉區區偶一得赫赫遂千年其餘盛名下大半



還相沿作詩聊自哂亦復時自憐

夜夢

少小共艱虞浮生足荆棘食貧三十載僂僂相慰  
恤誰無兒女情頗藉操持力念君舍我去感嘆情  
何極昨宵忽入夢猶帶憔悴色信是平生魂荆布  
無脩飾心知隔生死未忍分畛域對語極分明相  
看各怏悒窮愁吾見慣潦倒行將息森然六男女  
婚嫁半已畢百年此離別萬古一幽室老我學無  
生重泉勿相憶

農言

偶遇農人與言穡事率爾有會斐然成篇

南畝傳家世先疇卽典型休勤問奴事好讀相牛  
經雨露占天澤耰耨識地形老農不自利隨分到  
盈寧

惡草雖滋蔓良苗自淳興芟夷終不免愛護喜相  
承物理誠難會人心自可憑不愁鹵莽報條理在  
溝塍

溫飽非難致爲農不外求持籌寧長策斷壟更堪

憂但守耕耘志何慚家室謀自然倉廩實頌白富  
珍羞

水旱寧無備凶荒舊已諳更無他謬巧只是戒饑  
婪地力應須盡天功不可貪田頭諸伴侶飽食莫  
懷慙

風雨駟羣作茶樗素蓄將沽塗信勞力饁饌必充  
腸豐歉原無定經營亦有常儘堪供緩急何至減  
衣糧

計日誠堪慮躬耕自不貧稻粱還自足萁稗亦懷

新田有帶經子家無坐食人誰能荒本業辛苦算  
錢緡

城市繁華異鄉間古處敦豈惟厚風俗卽此教兒  
孫游縱防輕薄觀摩近德尊艱難知稼穡奕世保  
田園

盡室依茅屋生身值太平鄉鄰無怨讟宵小敢橫  
行門巷隨時葺笆籬逐徑成不過防鼠竊婦子莫  
相驚

寄星兒

三十無聞歎逝波  
惟予憐爾意消磨  
事能約已知  
人少詩不求名似我多  
已分功名傷老大  
好將學問補蹉跎  
差肩弟妹須勤教  
莫恃衰翁戒子歌

珠兒歸京師

瘦馬羸童踏曉冰  
裝囊些小映殘燈  
數來定省知吾老  
盡室艱辛賴爾能  
端藉調和聯骨肉  
莫將氣概惱親朋  
衰翁眠食都依舊  
好去無煩念寢興

三聖祠記

水旱禱祠古人所不廢  
牲牢酒醴備物告虔祈  
而應則歸功於神不應則委之於運數而神無與焉  
如是而已夫人至於憂危窘迫智窮力殫

不得已而求之不可知之神此亦事之極難者  
矣而神乃如其願而償之又於其智慮所不到  
祈請所未及者曲爲之謀而適滿其意嗚呼神  
之靈亦赫矣哉嘉慶癸酉夏泰陵松樹生蟲  
似蠶而黑衆多易長喬松萬株皆食殆徧官吏  
搜捕不遺餘力而生生不已餘孽猶存於是宗  
臣長吏祠官衛士勞心焦思若喪魂魄旣已無  
可如何乃相與委命於神而致禱焉此三聖祠  
之所由建也祠凡三楹中祠蟲神而以樹神電  
神配郎中永慶尚膳正永康實董其事今年春  
余自樞部來鎮泰寧與今少司寇那公交卸語  
其事以爲深憂翌日恭謁山陵周視林麓彌  
望童然時蟄戶未啟而蟲已蠢動乃往禱於祠  
集僚吏謀所以禦之者永君曰蟲乘早氣生性  
不畏霜雪遇暖則驟長夏遺子秋復結繭其生  
不窮百足多力抱枝而棲尋常風雨不能撼也  
故經歷年所與役數百焚研者計數萬斛而蕃  
衍如故余聞而懼適春夏復旱蟲果大作一如

其言官吏之憂惶士卒之勞悴視昔有加焉竊  
伏自念身膺重鎮守衛山陵力不足以驅醜  
孽誠不足以格明神曠官尸位災譴固宜神而  
有靈豈亦晏然而不一拯乎因復請於祠迫切  
待命自四月至六月數雨數晴樹漸萌矣而蟲  
如故已未大風雨以雹蟲乃殲焉夫蟲固非畏  
風雨者也其日也風雨靡常時作時止雹復間  
之若深知其冥頑詭譎難於驟除而出其不意  
奪其所恃勞苦之摧挫之使必無所逃死焉蓋  
至是而向之蜂屯蟻聚以百千萬億計者不崇  
朝而靡有孑遺矣雹不及遠林麓皆徧民田僅  
顆粒土衆歡呼以爲特爲蟲設也所殘樹萬餘  
株雨後復萌無一損者聖天子當陽百神效  
職攝呵守護分所宜然獨異夫斯役之協心齊  
力趨事奏功若約而同期而應者是豈區區禱  
祠之誠所能致乎蓋必有使之者矣余始謁於  
祠見以雹神配訝其不倫未暇問也而神之效  
靈如此蓋凜然示我以廟食於此而非素餐者

余旣驚且愧因敬書之以答神庥且志吾過  
賜同進士出身兵部左侍郎鎮守泰寧等處總  
兵官總管內務府  
大臣成恭記

秋日

垂老交遊盡幽居歲序闌誰能輕薄宦且喜稱麤  
官鼓角三邊靜煙霜九月寒秋山青滿眼不擬捲  
簾看

雪夜憶小兒女

不是譽兒癖生來骨相良頗能誦墳典已解弄篇  
章嬉戲從師嬾疎頑似我狂別離今又久想像汝



身長

弱女尤縈思經秋憶別離聰明驚婢姬裝束似男  
兒失母還依嫂隨兄如事師遙知今夜雪端坐誦  
毛詩

金刺史

洙

饋哈密瓜詩以志謝

空同洞臺傳子虛瓠星偏照天西隅燉煌舊種土  
脈變嘉名今屬伊吾廬崑崙三月雪水溢陽坡日  
暖沙平鋪邊民生計矜土產方春先已親犁鋤蔡  
把什湖六萬畝麥豆之外無閒區老灰喂子日已

足生氣充滿肥不枯土鬆沙軟生長易綿綿  
相縈紆念昔從軍駐斯土太平邊帥風流殊  
朝涼瓜事屆寒露已綴葡萄珠纏頭摘新猷  
使者頭擎額舉語囁嚅金盤盛來碧瓊膩  
膏腴分別種色記名目夷言難辨恐致誣  
種最殊絕綠綃掩映白玉膚蘭幽荔豔不  
須喚作青醴醐可憐嬌脆易腐敗冰肌不  
汗冬瓜最晚老且韌包裹可致萬里途  
任土作貢賴有此反同橘柚登天厨  
藩王泥首納歲進琅

玕磊落堆庭除使臣宣威在柔遠撫摩嫗育同孩  
愚容刀佩燧示獎愛海連阿渾歡相呼玉門生入  
鬢已白盛事旣往空嗟吁君從何處得異品得非  
職貢來 皇都隆冬相饋驚僕御快事笑倒高陽  
徒嚼冰嚙玉齒牙戰清氣發越神魂蘇却憶往年  
在戈壁天山積雪欺洪鑪炙牛醢酒聚蕃隊穹廬  
月上紅氍毹

乙亥

在泰  
寧鎮

牡丹

鎮署中門內東偏有牡丹數  
本幹高於人花徑七八寸

護葉分根手自栽老夫端爲牡丹來一年春事正  
如此幾度遲疑今始開曉露但催華萼滿流光已  
放艷陽回小園客去餘香散又向昆明話劫灰  
花自芳菲夢自殘碧欄干外思無端移來閨苑春  
將暮開向空庭意已闌桃李漸繁煙景亂蕙蘭相  
伴曉風寒菱紅墜白依稀在曾被東皇著眼看

平浪神祠感舊

神名柳毅在易州東門外乾隆甲午乙未間先公官宣化

府知府會侍

查道過此

轉眼韶華四十秋此身直擬泛虛舟重來古寺人

如舊尚有殘僧記昔游  
隔院軒窓堆瓦礫故園祠  
墓感松楸一官流浪成何事  
坐對庭烏歎白頭

病馬

青驄大宛種來自西海  
隅逸志困羈絆得主氣乃  
舒從我入玉門萬里無險  
途端巖生顧盼徒隸不敢  
驅自矜絕塵姿搖轡安以  
徐緩步若無事衆馬汗且  
趨放蹄必擇地不踐潦與  
塗豈是惜障泥性不受垢  
汙汗渴飲獨流泉飢食生  
束芻恥與駑駘輩蹄齧爭  
殘餘乘之近十年形影相依  
須春明西苑

路秋獨灤陽都阻我白河浪脫我枯樹株

二事皆實錄

報主力已盡駟壯心猶粗新

恩鎮泰寧安坐行

良圖主人不出門汝亦免邁阻安閒生肺疾氣色  
日益枯秣飼豈不勤不能潤肌膚惟餘千金骨閣  
此八尺軀春山足芳草在垆皆敷腴獨行澗谷間  
長嘶若嗟吁牽來立墀下顧我目睢肝汝老我亦  
衰相視空躊躇風雲阻騰蹕鬚鬣無爬梳依戀大  
平日芻豢相歡娛唯我知汝心汝宜聽我呼旣戀  
畜豢恩敢辭早樞拘殷勤託僕圉贅豆慎莫疎保

汝遲暮年伴我耕山畝

不寐

恍惚曾參夢覺關  
竟牀長簟睡興闌  
垂天不羨鵬雲負  
入夜何堪魚目鰥  
尚有心情憐白墮  
更無方法駐朱顏  
夜涼獨步中庭月  
剩有牆頭數尺山

黎雞

鳥名涿州南卽有鎮署樹木叢雜猶多棲止長啄短脚似鴉而身細鳴聲格磔

黎明前先

衆鳥而啼

孤吟有底急祇是願天明  
客夢猶無緒秋林已發聲  
並催殘月墮直到曉風清  
伏枕西園老棲遲百

感生

夜雨

山雨深更至夢中人已歸新涼靜高枕久客憶荆  
扉遲暮傷年髮經過有是非秋窓不易曙秋思苦  
多違

丁將軍墓

大盜終移國孤忠乃致身絕繩非我罪喋血尙餘  
嗔公守紫荆關闖百計攻之不下遂改白骨全家  
路居庸京師陷罵賊遇害盡室殲焉墓青山一代人斷崖留片石姓字未全湮  
石壁數語殊不



詳備一詩尤俗惡似不知書人所爲然公事國史  
不及載父老不能言竟賴是人以傳亦可尙也

巡邊二首

泰寧鎮轄紫荆易州馬水沿河等處秋冬巡邊簡其卒伍技藝

西風捲地宿雲消戰士無譁令寂寥列陣初聞關

塞角 賜衣猶擁侍臣貂中軍旗鼓千山振大地

塵沙萬馬騎忽憶晾鷹臺畔立 至尊擐甲下雲

霄

嘉慶壬申余以兵部侍郎扈 蹕南苑大閱

指顧登壇氣自豪雄蜺五色耀旌旄電雷光發前

鋒火霜雪寒凝左將刀戎事馳驅應迅奮微臣鬚

鬢太蕭騷書生老作邊城將慙愧當年學六韜

丙子

三月緣事部議降四級調用以二等侍衛充古城領隊大臣旋改烏什辦事大臣五

月自易

州西行

重九抵溫宿適芷泉節帥飲酒高會賓從如  
雲一揖後延入綺席浮白相向是日不覺沾  
醉出關以來第一快事也元戎雅度小隊尋  
花參佐風流登高能賦固一時之勝集亦絕  
塞之奇逢爰製短章用賡白雪不慚過客敬  
附青雲用少陵登高韻

白草黃沙雁叫哀孤城落日影低回邊夷笳鼓雲

間奏漢使旌幢天上來佳節乍逢聊駐馬故人相  
遇一登臺那知萬里悲秋客又醉高陽舊酒杯

巡閱回芷泉和舊韻見寄復次其韻

大漠風煙慘未消長驅飛騎入空寥健兒賈勇誇  
身手侍子承恩耀錦貂隔嶺層冰分地險連營  
積雪靜天驕漢家都護臨邊日隼旆龍旂下九霄  
垂老從軍氣自豪與君隔壘樹旌旄漫勞諸葛宵  
籌筆不學哥舒夜帶刀每挹清談覘遠略還從絕  
塞見風騷秋屯雲斂邊城肅晝掩牙門枕豹韜

芷泉內 召賦詩留別次韻

何異登天信有之羨君紅旆入關時試調騷裏先  
迴勒不遣瓊瓏爲唱詩隔水一方勞目送連山萬  
里念星馳 帝都春色無邊麗休憶蒲桃白玉卮  
萍轉舟流任所之相逢絕國雁來時與君還作他  
鄉別老我猶吟出塞詩客子光陰勞記憶夢中歸  
路亂驅馳天涯此際情何限回首重陽舊酒卮

丁丑

在烏什 四月子那丹珠會試中式  
延試三甲引 見分部學習簽掣吏部

西山

高城連西山山脚入城內女牆緣山腰山頂落城  
背削成大斧皴剥有凌雲致可憐寡草木光濯若  
流贅狂夷昔搆逆聚族奮螳臂城上屯甲兵山頭  
置烽燧釜魚不自量負險日驕恣上將握天符霹  
靂齏粉碎巢窟旣已傾凶豎無遺類崑畔髑髏臺  
百萬殘魂寄時時聞鬼哭往往見枯魑前登最高  
峰縹緲入天際誰泐燕然銘隱不書姓字微雨砂  
磧清百里靜無滯雪山去逶迤複嶺亦高霽沿山  
六卡倫了了見歸騎商胡結隊行出入負囊筇來

自無人天赴此懋遷利 聖朝重懷遠使者布嘉  
惠自顧鮮籌策焉敢昧形勢山河入吾眼亭障相  
虧蔽却望東西屯麥隴淡浮翠古人有碩畫兵食  
實大計相安太平久良法寧可廢汲汲此登臨殷  
殷詢前誌回首 帝天遙風煙靜愁思

烏什卽事

斜陽寒柳尉頭城萬里風煙擁旆旌素馬拉河秋  
水闊穆蘇魯嶺塞雲平窮邊久已成都邑異類須  
知有性情白髮詞臣朝睡足還騎瘦馬省春耕

不須課雨復祈晴已卜豐年十二成  
雪嶺春融人報水柳泉風軟樹留鶯  
殊方儘有田園樂沃野偏宜鹵莽耕  
枕席過師還備敵飜嫌辛苦趙金城  
茶封麵裹雜齊紈貢馬人來動地歡  
隨繞競爲兒女拜撫摩忍作犬羊看  
頗哀老子遊遊慣盡道將軍禮數寬  
好睦鄉鄰息爭鬪天威咫尺舉頭觀  
颯颯邊風靜戍樓總戎雲鳥陣橫秋  
控弦騎士皆猿臂投筆書生是虎頭  
砂磧無風堪縱目鄉關有信莫常愁  
太平真見從軍樂疊鼓鳴笳唱未休

珠兒捷南宮觀政天官作詩喻之

一第尋常耳春風謾發舒將求濟時術再讀古人  
書家世傳清白人情足毀譽岩廊多父執慎莫拂  
華裾

柳樹泉歌

在烏什城南十餘里

柳星墜地魂莫招精魄散渙隨風飄帝遣虬龍借  
軀幹結根託體同昏朝世間凡水不能養天池分  
得青瓊瑤不知何年闢此清華境天荒地老風蕭  
蕭祖根潛水微露春色如黝鐵堅如石水清見底



了可辨如斷崖形浸深碧旁枝穿岸卧平沙蜿蜒  
四走如龍蛇高者若船平若案安置妥帖無杈桹  
絮老花飛四月前遊人樹上開賓筵綠陰覆頂翳  
紅日却是孫枝直上參青天遊人只訝林泉勝那  
知一脈含真性千樹原從一樹分高曾親見曾元  
盛流潤能澆萬畝田清涼還已三年病可憐棄置  
天西頭大磧窮荒減清興靈境難逢信可傳安得  
如椽巨筆凌風煙邊夷古老球聞見但言天神棲  
止今千年我來探奇費心力根株脈絡皆犁然旣

看煙霞不老同根木復試萬里窮荒第一泉

題劉翰圃孝廉

治手鈔宋詩

三十年來耐久盟萬千里外故人情也知別後能  
懷思不見書來問死生良友心期非落寞老夫襟  
抱轉淒黃沙攪地西風急手把陳編涕淚盈

重陽前一日中丞覺庵先生

同興

自溫宿遣

使餽菊栽南醞城郭諸國由來未見此物感  
歎之餘詩以志謝用舊作王別駕送菊韻

投荒萬里真無策秋霜入鬢添新白無花無酒過

重陽與君同是他鄉客咫尺比鄰艱一面相逢未  
久還相隔揭來介使惠奇珍牢愁頓覺如冰釋寒  
花抱蕊氣彌靜老甕專車色深碧知君逸興在天  
涯不爲荒涼損標格栽花釀酒應時序高情似未  
遭譴謫窮邊何處得此種化工手段迴天澤爲把  
幽香遺故人坐令瓊蕊生沙磧落帽清才難再邁  
題糕險韻猶難摘丈夫舉動貴自由酒杯之外輕  
一擲絕塞論交意氣真不同兒女相愉懌傾瓶注  
盆作牛飲天布穹廬地鋪席談詩恥作秋蟲聲說

劍不慚短耳幘減君此意不可忘  
激箭年光應共惜二老風流邊塞秋  
不數南村話晨夕

寄應占廣明府

當時魂瘁使臣鞍令宰風流罄古歡  
地僻喜留行客醉歲豐荷館人餐與君  
竟作十年別絕塞相逢一笑看如許  
頭顱尚淹滯比鄰酬唱暫相寬  
白首承恩徒自傷鑷髭聊復一登場  
三年報績君應最四海論交我未忘  
強趁殘春人意嬾欲尋好夢醉無鄉  
故園風味猶堪共舊醞新茶此寄將

同中丞興餽魚

我生涉世常飢驅三年絕塞虛庖厨絕口魚鮮便  
渾酪山羊麵餅聊自餽老饕夜半食指動夢思異  
味充朝舖凌晨鼓嚴使者至中丞遠致生姬隅扛  
舁入門聚觀衆將吏駭笑聲相呼塞水陰寒少鱗  
介蛇醫毒虺相沫濡開都所產亦惡劣瘦腮無味  
空皮膚公從何處恢大網無乃神力通江湖細鱗  
如雪耀朝日龐頭大口仍腹腴此魚若在五都市  
定應認作松江鱸庖丁不識昧烹飪主人自作屏

僕夫斫鮮沽酒一醉飽不須長鋏歌鳴鳴感公厚  
意未暇報作詩聊復追亡逋

韭

山城淨掃霜葉枯小園刮地餘平蕪尋常菜把等  
芝朮非時敢望充庖厨杜老春盤久寂寞庾郎鮭  
菜空揶揄白水地溫足種植能令朽壤成華敷隕  
霜殺草圖事畢韭畦翦盡留根株繚以短垣重覆  
蓋蓆芡席卷瓊瓏瑜風雪不侵土不燥元氣孕育  
如伏雛一陽始生地脈動勾芽怒茁蟠蝦鬚清芬

遠襲臭味別玉色不受塵埃汙火熏糞壅寧及此  
土膏氣與梁肉殊故人情親爲小摘登盤炫耀如  
璣珠驚刀橫截作脆響脂膏以芼滑且腴笑我無  
牙抄爛飯咀嚼大類牛啣芻衰年不憂關隔冷土  
疏之號功難誣韭花古帖世所艷我欲臨之忘其  
模

和劉信芳尚書

環之

寄懷原韻

信芳余己亥  
鄉試同年官

戶部尚書時以

事降侍郎候補

絕域重遊憶往還夢中沙磧月中關似行欲止驅

車吏百匝千迴出塞山尚假餘年酬馬革漫勞樂  
府唱刀環書生老作邊城將喜見兜鍪壓鬢斑  
亦有林泉足自怡城南古柳萬年枝太平邊帥閒  
無事職貢名王會有期雪帳千房蕃聚滿雲渠百  
道麥屯滋蘇麻河畔懸軍獵魯酒黃羊飫健兒  
讀君尺素識君情薄罪遷官身暫輕未報殊恩  
思補過眷懷前澤慶餘榮白頭戲綵人爭羨藍袖  
添丁記有成更喜郎君華國手先生天福足平生  
不堪遲暮賦離居五十爲詩興有餘感舊懷人聊



自寫花情柳思更誰如卅年鴛鴦春明隔萬里風  
煙大漠虛遠道開緘還一笑不曾閒煞老尚書

戊寅

在烏什 七月

孫塔克什布生更名特克紳布

余藝花輒枯聞覺庵

同興

哺雞雛爲戲作詩

寄之

天人物我將無同盡在南華妙喻中笑我徒爲抱  
甕老憐君真作翺雞翁試看節序隨流水便掃浮  
雲付太空咫尺論心成歲暮不妨身世等飄蓬

冬瓜

陽坡日暖土脈蘇  
彗星高照天西隅  
伊吾所產甲南路  
歲充職貢登天厨  
其餘種類亦富有  
七月八月多瓜壺  
唯有山城氣陰殺  
滋蔓不實旋自枯  
尉頭溫宿纔咫尺  
彼無不有斯皆無  
覺庵先生古君子  
時致蔬果療飢飮  
冬瓜一種最奇絕  
其大真可藏封狐  
嚴寒遠致味不變  
似新摘自中田廬  
頃筐入眼顏色好  
翠綃衣裹白玉膚  
饞涎在口不遽食  
且留玩此青珊瑚  
念我行役幾寒暑  
故鄉回首田園蕪  
春韭秋菘竟何有  
繞畦清夢空模糊  
先生

持贈似有意豆棚瓜架歸來乎

家書至新得一孫志喜

萬里常爲客餘年合有孫添丁先少子喜氣溢蓬  
門似續誠堪慰功名不足論欲令知負荷三世舊  
書存

復得星兒書云塔孫偉幹霞姿甫彌月魁梧  
異常兒戲作

已試啼聲異豐軀更出羣鳶肩唐宰相猿臂漢將  
軍自解輕書劍無難讀典墳老夫貪壽命待爾上

青雲

已卯 正月調葉爾  
羌辦事大臣

春雪行園中

那見和風吹客衣  
桃花未綻雪花霏  
漫無情思吟  
常鈍久別家園夢  
漸稀老樹已空猶  
矗立飢鳥何  
事更翻飛等閒難  
覩東皇面爲問春  
從何處歸

素屏風行贈林參戎兼以志別

霞姿偉幹氣如虹  
將軍當世之豪雄  
十年血戰騎  
生馬萬里孤遊逐  
斷蓬邊烽晝靜閒  
無事彩箋忽

作凌雲字硯池脈脈起微波墨光炯炯生寒翠揮  
灑都無筆墨痕蕭疎剩有煙霞氣儒將風流絕世  
稀却笑虎頭輕棄置生綃八幅贈衰翁筆端颯颯  
生秋風都將扛鼎拔山力攝入霜毫玉管中莊如  
玉堂垂委佩勁如鐵臂彎強弓整如涼天過秋雁  
動如雲氣隨飛龍燕瘦環肥不足道自樹一幟羞  
雷同將軍將軍好胸臆絕塞相逢如夙昔人生聚  
散亦何常惜別無言空歎息雪山戢戢雪水清驅  
車又作西南行留得浣花箋數葉題書早晚報羌

城

發烏什

萬里戍荒城三年猶故我飽經沙漠風幾變槐榆  
火新 恩忽量移才智愧么麼平生馳驅心詎肯  
憚勞瘁賓僚念久役僮僕懷新情而我獨欣然行  
李一肩荷同是未歸人當前遜吾果部曲走相送  
旌旆植道左商民陳酒筵雕盤備果蔬齊聲壽使  
君欲語淚先墮豈必出真誠裝點意亦頗揮手謝  
送人驅車就掀簸回頭望故棲雪山高嵒嵒

莎車卽事

絕塞孤城接大荒蒼生百萬乞巖疆直須整頓金  
湯策莫但矜誇寶玉鄉當日勲名推衛霍而今撫  
字要龔黃中朝將帥多豪貴但假天威制遠方

樂齋畫僧攜豬頭戲爲作偈

樂齋名福爾洪  
阿蒙古人時爲

葉爾羌幫  
辦大臣

伊蒲之供非所求老僧此口亦贅疣幻身蓄養竟  
何用他日代我填渠溝以此頓悟無身訣革囊本  
自盛膏血過門大嚼亦何妨笑指屠兒作檀越波

若湯濃蒜氣清方盤託出光晶瑩一嚙入口醍醐  
性餘骨擲地玻璃聲腸肥腦滿美一睡已覺身證  
菩提地豬不生頭我口閒請君看取西來意

庚辰

正月丙

名

五月

孫托克湍布生

十

月自葉爾羌至京改授四品京堂候補  
十一月補太常寺少卿

發葉爾羌

河湯湯沙茫茫鳥飛不到胡天長秋風未起氣先  
肅胡桐葉淡天雨霜僕夫早起車載牽相與踴躍  
營歸裝竄逐窮荒二萬里羶腥乳酪成馨香久與



兒孫作死別五年不復夢故鄉今日生還的有據  
驅車轉覺心徬徨璫裘君長抱馬足譯語略通神  
慘愴漢使如天比父母使君棄我何蒼黃異類有  
情相處久別之亦覺情內傷無德與汝媿遠送片  
語相贈休遺忘屬實生靈百萬戶女絲男縠勤耕  
桑汝門忠孝著奕世好爲聖主修邊疆但使休  
和薄稅斂自然鞏固如金湯老夫不復更來此精  
誠與汝遙相望

葉爾羌貝子阿奇木伯克名邁哈  
默特渥散霍集占之亂諸城響應

惟其祖鄂爾對守節不變追隨大兵殲滅匪逆其  
父鄂斯璘於額穆爾私通薩木薩克事絕無回護

立時稟辦皆  
篤忠貞之節

道光辛巳

無詩 四月遷兵部左侍郎 五月

管理錢法堂事務兼鑲藍旗漢軍副都統復

奉 旨由山東前往河南適有疾入河南界

疾甚七月初一日卒於河南蘭陽縣廟工差

次時年六十二歲蒙 恩晉秩都統入城治

喪 諭

賜祭葬

多歲堂詩集卷四